

Арх хулис

O'zbekiston Respublikasi
Xorazm viloyati
Bog'ot tumani
HOKIMI
QARORI



Ўзбекистон Республикаси
Хоразм вилояти
Богот тумани
ХОКИМИ
ҚАРОРИ

220200 Богот шаҳарчаси Ўзбекистон кўчаси, 18 уй. Tel:31-51-807, faks:31-52-425

2020 йил «20» июл

№ 1729а

Богот шаҳарчаси

Нусха № 1

«Усталар» маҳалла фуқаролар йиғинига Богот тумани Усталар маҳалласи ҳудудидан «МФЙ» биноси қурилиши учун ер майдони ажратиб бериш тўғрисида

«Усталар» маҳалла фуқаролар йиғини раиси К.Раҳмановнинг Богот тумани Усталар маҳалласи ҳудудидан «МФЙ» биноси қуриш учун ер майдони ажратиб беришни сўраб туман ҳокимлигига йўллаган 2020 йилдаги сўровномасини кўриб чиқиб, туман ҳокимлиги ҳузуридаги корхона, муассаса, ташкилот ва фуқароларга қишлоқ хўжалигига оид бўлмаган бошқа эҳтиёжлар учун ер участкалари танлаш (ажратиш) масалаларини кўриб чиқиш бўйича туман комиссиясининг 2020 йилдаги йиғилиш баёнини кўриб чиқиб, Ўзбекистон Республикаси Президентининг 2020 йил 18 февралдаги «Ўзбекистон Республикаси Маҳалла ва оилани қўллаб-қувватлаш вазирлиги фаолиятини ташкил этиш тўғрисида» ги ПҚ-4602-сонли қарори, Ўзбекистон Республикаси «Ер кодекси»нинг 6-22моддалари, Ўзбекистон Республикаси «Маҳаллий давлат ҳокимияти тўғрисида» ги 6,25-моддаларига асосланиб,

ҚАРОР ҚИЛАМАН:

1. Туман ҳокимлиги ҳузуридаги корхона, муассаса, ташкилот ва фуқароларга қишлоқ хўжалигига оид бўлмаган бошқа эҳтиёжлар учун ер участкалари танлаш (ажратиш) масалаларини кўриб чиқиш бўйича туман комиссиясининг йиғилиш баёни тасдиқлансин.

2. «Усталар» маҳалла фуқаролар йиғинига Богот тумани Усталар маҳалласи ҳудудидан «МФЙ» биноси учун туман захира ер майдонидан, қишлоқ хўжалигида фойдаланилмайдиган Туркистон массивининг 202 қисман контуридан умумий ер майдони 250 квадрат метр ер майдони доимий фойдаланиш учун ажратиб берилсин.

3. Туман архитектура ва қурилиш бўлими (Ф.Қурбанов)га;

“МФЙ” биносини қуриш учун ажратиб берилган 250 квадрат метр ер майдонини батафсил режалаштириш лойиҳаларини ишлаб чиқсин.

4. Ер ҳисоботиға тегишли ўзгартириш киритишни туман ер ресурслари ва давлат кадастри бўлими бошлиғи (Р.Рахимов)га, ер участкасида объект қурилишини назорат қилишни туман ҳокимининг ўринбосари (А.Қуръязов)га, белгиланган тартибда ер солиғига боғлиқ ҳисоботларни ўзгартириш, солиқларнинг ўз вақтида тўланишини назорат қилишни туман давлат солиқ инспекцияси (Х.Жуманиёзов)га топширилсин.

5. Туман архитектура ва қурилиш бўлими (Ф.Қурбанов), туман ер ресурслари ва давлат кадастри бўлими бошлиғи (Р.Рахимов) ва “Усталар” маҳалла фуқаролар йиғини раиси (К.Раҳманов)га доимий фойдаланиш учун ажратилган ер майдонини жойнинг ўзида (натура)да, далолатнома асосида белгилаб бериш вазифаси топширилсин.

6. Белгилаб қўйилсинки, Ўзбекистон Республикаси «Ер кодекси»нинг 36-моддасининг 6, 10-бандларига асосан доимий фойдаланиш учун ажратилган ер майдонидан бошқа мақсадларда фойдаланилганда ҳамда ер участкасидан 2 (икки) йил мобайнида фойдаланилмаганда ундан фойдаланиш ҳуқуқи тўхтатилсин.

7. «Усталар» МФЙ раиси К.Раҳмановга:

Ушбу қарор қабул қилиниши муносабати билан ер участкасини давлат рўйхатидан ўтказиш вазифаси топширилсин.

8. Ушбу қарорнинг бажарилишини назорат қилиш туман ҳокимининг ўринбосари Э.Рўзметов ва туман ҳокимининг ўринбосари А.Қуръязовлар зиммасига юклатилсин.

Боғот тумани ҳокими

 О.Холбоев